

# INUIT ATAQATIGIIT

## Inatsisartuni



26.03.2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

### Naalackersuisunut apeqquq:

1. Qanoruna Aasianni inissisimasoqarmat Aasiaat ernisarfiujunnaarnera Naalackersuisut tungavilersorsinnaavaat?
2. Aasianni ernisarneq atorunnaarsinneqartussanngormat susassaqartunut tusarniaanerit ingerlanneqarsimappat, assersuutigalugu Peqqinnissaqarfimmi sulisut, Ernisussioortut Peqatigiiffiat aammalu Kommune Qeqertalik?
3. Aasiaat ernisarfiuleqqinnissaa atuutilerseqqinneqarnissaanut qulakkeerneqarnissaa Naalackersuisut qanoq suliniuteqarniarpat?
4. Aasiaat ernisarfiunera atuuteqqilissappat piumasaqaatit suut naammassineqarsimasariaqarpat?
5. Ukiuni kingullerni tallimani Aasiannut erniartortartut qanoq amerlatigisimappat?
  - a) Aasiannut erniartortormi ukiuni tallimani aningaasartuutit qanoq annertutigisut atorneqarsimappat?
6. Nunatsinni ernisussioortunik amigaateqarpugut, taamaalilluni erniartortut nunagisartik qimallugu illoqarfinnut ernisarfiusunut erniartortariaqartarlutik. Nunatsinni ernisussioortunik amigaateqarnerput qaangerniarlugu Naalackersuisut qanoq suliniuteqarpat?
7. Peqqinnissaqarfiup qitiusumik aaqqissuussiffigineqarnera (Regional) nalilersortuarneqarnissaa Naalackersuisunit qanoq qulakkeerniarneqarpa?

(Inatsisartunut ilaasortaq Aqqa Samuelson , Inuit Ataqatigiit)

### Tungavilersuut:

Aasianni ernisarnerup atorunnaarsinneqarnera uggornarpoq. Sooq Aasiaat ernisarfiujunnaarnera pillugu erseqqissumik paasisutissiisoqarnissaa piumasaraara. Ilanngullugu paasisaqarfigerusuppara Aasiaat ernisarfiujunnaarnera pillugu tusarniaanerit ingerlanneqarsimanersut.

Ilaqutariippasuit Aasiannut erniartortinneqartartut maannakkut misilittagaqarfigineqalersup allanngortinneqarnera kingunerlussinnaanera eqqumaffigisariaqarpoq. Taamaattumik Aasianni ernisarnerup atorunnaarsinneqarneranut tusarniaanerit qanorittut ingerlanneqarsimanersut paasisaqarfigerusuppakka, isumaqarama pineqartut qulaatiinnarlugit aaliangiisoqartartoq – tamannalu inuiaqatigiinnut toqqissisimassutigineqarani.

Nunatsinni kinguaassiorneq kinguaariinnilu kingornuttakkatut naleqartitaqarnerat, inunngorfimmik sorlaqarfeqarneq sumilu inunngorsimanermik naleqartitaqarnerup tammariartornera akueriuminaappoq.